



Sarajevo, **15 -07- 2026**

Broj: 03-57-2-27547-1/2026

Na osnovu člana 70. i 88. Zakona o javnim nabavkama ("Službeni glasnik BiH", broj: 39/14, 59/22 i 50/24), člana 99. Statuta Javnog preduzeća Elektroprivreda Bosne i Hercegovine d.d. – Sarajevo - Prečišćeni tekst broj: NO-2190/21-41./2. od 25.01.2021. godine i Statuta o dopuni Statuta Javnog preduzeća Elektroprivreda BiH d.d. – Sarajevo, broj: SD-20745/21-70./6. od 30.07.2021. godine, člana 28. i 75. Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo, broj: NO-35498/22-98./3. od 27.12. 2022. godine, broj: NO-18946/23-104./5. od 05.06.2023. godine i broj: NO-41163/24-52./3. od 21.11.2024.godine, člana 5. stav (6) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva - Prečišćeni tekst, broj: 06-8661-1/2023 od 10.03.2023. godine, Odluke o izmjeni i dopuni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: U-01-40623-1/23-18/34 od 14.11.2023. godine, Odluke o izmjeni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: U-01-2332-1/25-137/26 od 28.01.2025. godine i Odluke o dopuni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: U-01-12945-1/26-243/21 od 28.04.2026. godine, Direktor Podružnice „Elektrodistribucija“ Sarajevo, na preporuku Komisije za nabavku, donosi:

ODLUKU **o izboru najpovoljnijeg ponuđača**

Član 1.

U postupku konkurentskog zahtjeva za dostavu ponuda, broj: **KZ-13/26 – „Redovna dezinfekcija, dezinsekcija, deratizacija, deviperacija i eradikacija poslovnih objekata EDSA“**, kao najpovoljniji ponuđač izabran je:

"SANI-TOX" d.o.o. Sarajevo

Član 2.

Zadužuje se Služba za komercijalne poslove Podružnice "Elektrodistribucije", Sarajevo da u roku od 3 (tri) dana, a najkasnije u roku od 7 (sedam) dana od dana donošenja ove Odluke, istu dostavi ponuđačima koji su blagovremeno dostavili ponude i time ih obavijesti o rezultatima postupka navedenim u Odluci.

Obrazloženje:

Konkurentski zahtjev za dostavu ponuda broj: KZ-13/26 – „Redovna dezinfekcija, dezinsekcija, deratizacija, deviperacija i eradikacija poslovnih objekata EDSA“, pokrenut je Odlukom o pokretanju postupka javne nabavke i imenovanju Komisije za nabavke broj: 03-57-2-20386-1/2026 od dana 25.05.2026. godine. Ugovorni organ JP Elektroprivreda BiH d.d. – Sarajevo, Podružnica "Elektrodistribucija", Sarajevo objavio je dana 01.06.2026. godine na Portalu javnih nabavki Bosne i Hercegovine, Obavještenje o nabavci broj: 1437-7-2-56-3-83/26.

Rok za dostavu ponuda bio je 22.06.2026. godine do 09:30 sati, a otvaranje ponuda izvršeno je istog dana u 10:30 sati.

Ponude su blagovremeno dostavili ponuđači:

Naziv ponuđača	Cijena bez PDV-a	Popust
1. "KRISTAL" d.o.o. Sarajevo	9.982,00 KM	NE
2. JU Zavod za javno zdravstvo Bosansko-podrinjskog kantona Goražde	9.993,60 KM	NE
3. "SANI-TOX" d.o.o. Sarajevo	9.792,00 KM	NE
4. "SANITACIJA" d.o.o. Sarajevo	9.840,00 KM	NE
5. "SANACIJA 3D" d.o.o. Sarajevo	9.992,00 KM	NE
6. "DESINFECTA" d.o.o. Sarajevo	9.998,00 KM	NE

Kriterij za dodjelu ugovora je najniža cijena. U postupku je predviđena primjena e-aukcije. Ukupna procijenjena vrijednost nabavke iznosi 10.000,00 KM (bez PDV-a).

Komisija za nabavke, imenovana gore navedenom Odlukom Direktora Podružnice "Elektro distribucija" Sarajevo, izvršila je otvaranje, pregled i ocjenu dostavljenih ponuda, te utvrdila da ponude ponuđača JU Zavod za javno zdravstvo Bosansko-podrinjskog kantona Goražde, "SANI-TOX" d.o.o. Sarajevo, "SANITACIJA" d.o.o. Sarajevo i "DESINFECTA" d.o.o. Sarajevo zadovoljavaju uslove određene predmetnim tenderom, stoga su ocijenjene prihvatljivim, u smislu člana 2. stav (1) tačka 1) alineja 1. Zakona o javnim nabavkama.

Ponuda ponuđača **"KRISTAL" d.o.o. Sarajevo** odbacuje se kao nepravilna iz razloga kako slijedi:

Tačkom 4.2 Tenderske dokumentacije, način dostavljanja ponuda zahtijevano je slijedeće: „*Ponuđač je dužan dostaviti jednu ponudu u originalu i jednu kopiju. Kopija ponude se dostavlja zajedno s originalnom ponudom, te se na istim jasno naznačava »original« i »kopija« ponude. U slučaju razlika između originala i kopije ponude, vjerodostojan je original ponude.*“

Ponuđač u okviru ponude nije dostavio kopiju ponude, pa nije zadovoljio zahtjev tražen tenderskom dokumentacijom, te je stoga njegova ponuda ocijenjena kao nepravilna, u smislu člana 2. stav (1) tačka 1) alineja 3) Zakona o javnim nabavkama. Shodno navedenom, a u skladu sa članom 68. stav (4) tačka i) Zakona o javnim nabavkama, ugovorni organ dužan je odbaciti zahtjev za učešće ili ponudu i u slučajevima kad ponuda nije potpuna i ne ispunjava zahtjeve iz tenderske dokumentacije, što se ima primijeniti u konkretnom slučaju.

Ponuda ponuđača **"SANACIJA 3D" d.o.o. Sarajevo** odbacuje se kao nepravilna iz razloga kako slijedi:

Tačkom 4.4 Tenderske dokumentacije, sadržaj ponude i način pripreme ponude, zahtijevano je slijedeće: „*Ponuda mora sadržavati najmanje:*

c) *Popunjen Obrazac za cijenu ponude – specifikacija iz konkurentskog zahtjeva za dostavu ponuda, ovjerena pečatom i potpisom ovlaštenog lica ponuđača;*“

Ujedno, tačkom 4.4 Tenderske dokumentacije, obrazac za cijenu ponude, zahtijevano je slijedeće: „*Obrazac za cijenu ponude – specifikacija se priprema u skladu sa zahtjevima iz Konkurentskog zahtjeva i čini sastavni*

dio istog. Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. “

Ponuđač je na stranici 5 ponude dostavio Obrazac za cijenu ponude – specifikacija, koji nije dostavljen na propisanom obrascu za cijenu ponude iz konkurentskog zahtjeva za dostavu ponuda. Naime, ponuđač je dostavio obrazac koji je prekucao i izmijenio u specifikaciju, i to usluge pod rednim brojem 11 – Interventna dezinfekcija, 12 - Interventna dezinfekcija i 13- Interventna deratizacija, gdje je u koloni „broj ciklusa“ unio broj 1, za sve tri navedene stavke, dok u zadanom propisanom obrascu u konkurentskom zahtjevu za dostavu ponuda, Ugovorni organ u koloni „broj ciklusa“ nije unosio nikakav parametar, iz razloga što je riječ o interventnim uslugama, gdje je nemoguće procijeniti broj ciklusa, već samo ukupnu količinu za interventne usluge. Iz razloga što je ponuđač vršio izmjene Obrasca za cijenu ponude, Ugovorni organ je njegovu ponudu ocijenio kao nepravilnu, u smislu člana 2. stav (1) tačka 1) alineja 3) Zakona o javnim nabavkama. Shodno navedenom, a u skladu sa članom 68. stav (4) tačka i) Zakona o javnim nabavkama, ugovorni organ dužan je odbaciti zahtjev za učešće ili ponudu i u slučajevima kad ponuda nije potpuna i ne ispunjava zahtjeve iz tenderske dokumentacije, što se ima primjeniti u konkretnom slučaju.

U skladu sa navedenim, postupak je nastavljen zakazivanjem e-aukcije za 03.07.2026. godine u 11:00 sati, sa predviđenim trajanjem od 10 minuta. Kao početna cijena postavljen je iznos od 9.792,00 KM, što je najniža cijena prihvatljive ponude.

Inicijalni poredak ponuđača prije provođenja e-aukcije:

Naziv ponuđača i sjedište	Cijena ponude	Osvojena pozicija
"SANI-TOX" d.o.o. Sarajevo	9.792,00 KM	1
"SANITACIJA" d.o.o. Sarajevo	9.840,00 KM	2
JU Zavod za javno zdravstvo Bosansko-podrinjskog kantona Goražde	9.993,60 KM	3
"DESINFECTA" d.o.o. Sarajevo	9.998,00 KM	4

Finalni poredak ponuđača nakon provedene e-aukcije je sljedeći:

Naziv ponuđača i sjedište	Cijena ponude	Osvojena pozicija
"SANI-TOX" d.o.o. Sarajevo	3.686,00 KM	1
"DESINFECTA" d.o.o. Sarajevo	4.000,00 KM	2
"SANITACIJA" d.o.o. Sarajevo	6.500,00 KM	3
JU Zavod za javno zdravstvo Bosansko-podrinjskog kantona Goražde	8.950,00 KM	4

Nakon provedene e-aukcije, ponuda ponuđača "SANI-TOX" d.o.o. Sarajevo osvojila je prvu poziciju na rang listi u predmetnom postupku javne nabavke.

U skladu sa rezultatima evaluacije ponuda i provedene e-Aukcije, Komisija za nabavku je na osnovu ukupne ocjene ponuda po kriteriju najniža cijena, predložila izbor **"SANI-TOX" d.o.o. Sarajevo** za najpovoljnijeg ponuđača, sa iznosom ponude **3.686,00 KM bez PDV-a**.

Na osnovu iznesenog, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se podnijeti žalba Uredu za razmatranje žalbi putem JP Elektroprivreda BiH d.d. – Sarajevo, Podružnica "Elektrodistribucija" Sarajevo u roku od 5 (pet) dana od dana prijema ove Odluke.



Dostaviti:

- Ponuđačima;
- 57-2;
- a/a